

Ilageeqarneq pillugu Inatsisartut inatsisaata allanngortinneranik Inatsisartut inatsisissaattut siunnersuut

(Ilageeqarnermi atorfinititsisarneq, upternarsaatit allaqqinneqartarneranni
akiliuteqartarnissamut pisinnaatitsissutinut kiisalu pisinnaatitaanernut assigiinngitsunut
aalajangersakkat pillugit allannguutit)
(Ilinniartitaanermut, Ilageeqarnermut, Kultureqarnermut Naligiissitaanermullu
Naalakkersuisoq)

Saqqimmiussineq

Siullermeerinnineq

Ilageeqarneq pillugu Inatsisartut inatsisaata allanngortinneranik Inatsisartut inatsisissaattut
siunnersuut Naalakkersuisut sinnerlugit matumuuna saqqummiuppara

Inatsit pingarneq Kalaallit Nunaanni Ilagiit, Ilageeqarneq pillugu Inatsisartut Inatsisaat nr. 9,
19. maj 2010-meersoq (Ilageeqarneq pillugu inatsit) 2010-mi akuerineqarpoq.
Allannguutissatut siunnersuut maannakkut saqqummiunneqartoq Kalaallit Nunaanni
Ilagiinnut malittarisassanik nutarterinermut ingerlanneqartumut atatillugu isigineqassaaq.
Tassunga atatillugu malittarisassat piuminarsarnissaat aamma kissaatigineqarpoq, ilaatigut
taakku ataatsimut allanneqarnerisigut.

Siunnersuutikkut Kalaallit Nunaanni Ilagiinni atorfinititsisarnermi malittarisassat
nutarterneqarput ataatsimoortinnejarlutillu.

Palasi imaluunniit ajoqi upperisarsiornerup tungaatigut pissuteqartumik ilagiinni suliassanik
suliaqarnissanut suliassanullu peqataanissamut pisussajunnaarsinnejarsinnaanerat pillugu
aalajangersaq ilanngunneqarpoq.

Atermik allanngortitsinermi, oqaluffeqarnermi iliuutsini upternarsaatit suliareqqinneranni
kiisalu oqaatsit marluiit atorlugit, kalaallisut/tuluttut, upternarsaammik tunniussinermi
akiliutinik aalajangiinissamut akiligassiisoqarnissaanullu pisinnaatitsisoqalerpoq.

Naammagittaaliortarnermut malittarisassat allanngortinnejarlut, taamaalilluni
upperisarsiornermut tunngassuteqartut/imarisai Naalakkersuisoqarfimmit sularineqassanatik.

Oqaluffiit illutaanik toqusullu inaannik nakkutiliisussaatitaaneq ilagiit sinniisaannit palasimut
atuagarsuarnik allattuisuusumut nuussinikkut allannguisoqarpoq.

Upperisarsiornermi Ilageeqarnermik ingerlatsisut sunniuteqartarnissaasa inissaqartinnissaasa
nukitorsarnissa Naalakkersuisut kissaatigaat. Allannguutissatullu siunnersuummi uani
tamanna siunertaavooq.

Taamatut naatsumik oqaaseqarlunga siunnersuut Inatsisartunut suliassangortippara.